



জনসংযোগ কার্যালয়  
জাহাঙ্গীরনগর বিশ্ববিদ্যালয়  
সাভার, ঢাকা, বাংলাদেশ  
ফোন: ৭৭৯১০৪৫-৫১



## প্রেস বিজ্ঞপ্তি (শোক সংবাদ)

### সাংবাদিক কামাল লোহানী ও প্রকৌশলী আখতার হোসেনের প্রয়াণে জাবি উপাচার্যের শোক

জাহাঙ্গীরনগর বিশ্ববিদ্যালয়, ২০ জুন ২০২০।

স্বাধীন বাংলা বেতার কেন্দ্রের অন্যতম সংগঠক, সাংস্কৃতিক ব্যক্তিত্ব ও প্রখ্যাত সাংবাদিক কামাল লোহানীর প্রয়াণে উপাচার্য অধ্যাপক ড. ফারজানা ইসলাম গভীর শোক প্রকাশ করেছেন।

এক শোক বার্তায় উপাচার্য বলেন, সাংবাদিক কামাল লোহানীর প্রয়াণে বাংলাদেশের জনসমাজ ও সংস্কৃতির এক অগ্র ব্যক্তিত্বকে হারালো। তাঁর প্রয়াণে গণমাধ্যম ও সাংবাদিকতা জগতে যে শূন্যতা সৃষ্টি হয়েছে, তা পূরণ হবার নয়। কামাল লোহানী তাঁর কর্ম ও লেখনির মাধ্যমে স্মরণীয় হয়ে থাকবেন। উপাচার্য প্রয়াত কামাল লোহানীর শোক সন্তপ্ত পরিবারের সদস্যদের প্রতি সমবেদনা জ্ঞাপন করে তাঁর আত্মার শান্তি কামনা করেন।

উল্লেখ্য, করোনায় আক্রান্ত কামাল লোহানী রাজধানীর মহাখালীর শেখ রাসেল গ্যাস্ট্রোলিভার ইনস্টিটিউট ও হাসপাতালের নিবিড় পরিচর্যা কেন্দ্রে (আইসিইউ) চিকিৎসাধীন অবস্থায় আজ শনিবার সকালে শেষ নিঃশ্বাস ত্যাগ করেন। (ইন্সালিল্লাহি...রাজিউন)। তাঁর বয়স হয়েছিল ৮৬ বছর।

### প্রকৌশলী আখতার হোসেন-এর প্রয়াণে জাবি উপাচার্যের শোক

জাহাঙ্গীরনগর বিশ্ববিদ্যালয়, ২০ জুন ২০২০।

জাহাঙ্গীরনগর বিশ্ববিদ্যালয়ের প্রকৌশল অফিসের সাবেক ভারপ্রাপ্ত তত্ত্বাবধায়ক প্রকৌশলী আখতার হোসেন-এর প্রয়াণে উপাচার্য অধ্যাপক ড. ফারজানা ইসলাম গভীর শোক প্রকাশ করেছেন।

এক শোক বার্তায় উপাচার্য বলেন, এ বিশ্ববিদ্যালয়ের অবকাঠামো ও নির্মাণ কাজে প্রকৌশলী আখতার হোসেনের অবদান বিশ্ববিদ্যালয় কর্তৃপক্ষ স্মরণ করে। তাঁর প্রয়াণে বিশ্ববিদ্যালয় পরিবার শোকাহত। উপাচার্য প্রয়াত প্রকৌশলী আখতার হোসেন-এর শোক সন্তপ্ত পরিবারের সদস্যদের প্রতি সমবেদনা জ্ঞাপন করে তাঁর আত্মার শান্তি কামনা করেন।

উল্লেখ্য, প্রকৌশলী আখতার হোসেন করোনায় আক্রান্ত হয়ে গত ১১ জুন ২০২০ তারিখে জাপান-বাংলাদেশ মৈত্রী হাসপাতালে চিকিৎসাধীন অবস্থায় মৃত্যুবরণ করেন। ইন্সালিল্লাহি---রাজিউন। তাঁর বয়স হয়েছিল ৬৬ বছর। মৃত্যুকালে তিনি স্ত্রী, এক ছেলে, এক মেয়ে এবং আত্মীয়-স্বজন রেখে গেছেন।

মো. আবদুস সালাম মিয়া  
পরিচালক (ভারপ্রাপ্ত)

